

元始无量度人上品妙經註解卷下 注六

九江冰湖楚人薛季加顯著註解

道言此二章並是諸天上帝及至靈魔王隱秘之音皆是大梵之言非世上常辭言无韻麗曲无華究故謂玄奧難可尋詳

道言者道君自序也此二章者指正經上下二章也皆諸天祕章靈魔隱韻盡大梵之至理非塵世之常辭言无音韻美麗曲无華艷宛約自非真人通玄究微莫能詳察也

上。天所實秘於玄都紫微上官依玄科四萬劫一傳若有至人齋金寶質心依舊格告盟十天然後而付焉

上天秘之科禁甚嚴齋食求傳且復告盟十方諸天然後付度今之學者得經誦諫可不心目相應依按科式如或苟貪徧數行立坐臥聊爾妄誦豈不招因果可不異哉

此後序第一段詳述經文玄妙上天寶號誦持之士可俟科禁

道言夫天地運度亦有否終日月五星亦有虧盈至聖神人亦有休否末學之夫亦有疾

傷凡有此災同烝皆當齊心備齋六時行香十徧轉經福德立降消諸不祥无量之文普度无窮

天地聖賢且莫逃乎數况學者道心之未固乎同烝之人倘能依科戒備禳亦可轉

禍為福此所謂无量之文普度無窮也

此後序第二段再述誦經十徧之功可以消諸不祥也

道言夫末學道淺或仙品未充運應滅度身經太陰臨過之時同學至人為其行香誦經十過以度尸形如法魂神徑上南宮隨其學功計日而得更生轉輪不滅便得神仙

下末學道工夫日淺仙籍無名大限到來不免歸盡形骸雖然當壞却以修真之故身經太陰陰精修鍊方證陽仙此時得同學之士為之修誦鍊度則隨其平日之功行亦可計刻日辰而更生反形證入仙真之道也

道言夫天地運終亦當修齋行香誦經星宿錯度日月失昏亦當修齋行香誦經四時失

度陰陽不調亦當修齋行香誦經國主有災

兵革四興亦當修齋行香誦經疫毒流行兆民死傷亦當修齋行香誦經師友命過亦當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰无量普度天人

經者徑也乃修行之捷徑自利利他乃修行第一法普度天人方為道備太上設此一章欲修真之士常運慈心普及一切悉為解厄禳災陰修善功可也

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得為聖君金闕之臣諸天記人功過毫分無失天中魔王亦保舉爾身得道者乃當洞明至言也

此經功德甚大誦者其福亦大但當體元始說經周回十徧之數道君所以於前序及此處申言之右別者亦如今文牒指揮右件分別也謂此等人決為保舉作太上後聖金闕帝君之侍臣也
右道君正經之後序

諸天中大梵隱語无量音道君撰此靈書中
元始靈書中篇

靈書即八角垂芒之字為靈書八會之音
天各八字字各八音道君命天真皇人所
撰之字演成靈書之篇也謹按經云是時
元始天尊於赤明世界栢陵寶座三日三
夜忽然雲霧鬱勃玄陰不解五老上白天
尊曰今日侍座所未曾見天尊演教則河
海靜默山嶽藏雲今日晝陰天人惶懼
不審何緣天尊告曰今日諸天慶瑞靈應
自然玉宇煥爛障蔽天光咸令四座瞑目
伏聽俄然天炁頓啓冥暗豁消五色光明
洞照十方忽有靈書字皆一文見於虛皇
之上八角垂芒天尊告曰此靈書八會字
無正形其趣究奧難可尋詳於是授之於
天真皇人註解其音分其分度云云
切詳靈書无量音所以得聞於天人得傳
於下世皆天真皇人之力也今愚所釋八
天宇義並按天真訓釋略有敷演欲使初
真誦者易曉耳

東方八天

寶嬰阿耨无怒觀音

八字皇會天隱語寶嬰者天中玉京山下
有樓宮然高遠阿耨者阿那掌樓神也玄都
每經三日夜鳴鼓集真寶臺名无怒者太
无虛空中有怒門天中日月每會於怒門
觀者觀覺天帝名音者靈音也以超度長
夜之魂誦此章即帝歌靈音七祖出幽
須延明首法攬善臺

八字玉完天隱語須延闕名亦天真諱也
明首者元始之都候元始開運即都候啓
道法者法輪攬者帝諱善臺者二真人諱
也主超度死魂人誦此章即帝攬度魂死
得更生

稼那阿奕忽訶流吟

八字何童天隱語稼那天中主圖先生之
號也阿奕乃天中真人戲園也忽飛天神
人之名也訶者訶摩天中人呼元始為訶
摩流者流布吟者吟詠謂訶摩當劫運之
終開布教法流行諸天而吟詠也人誦此

章即訶摩開度注名南宮

華都曲麗解善育臻

八字平育天隱語華都者即太極青華之
都也曲者洞章麗者玉女名也解者解雲
善者樓名育者帝諱臻者至也言育帝常
乘之八景之輪遊觀諸天也人誦此章則
天帝乘輪召魔保舉
答落大梵散煙慶雲

八字文舉天隱語答落者天中宮闕名也
大梵者言天尊開運大道流行普度天人
也散煙者是天中天人散香煙於答落之
庭慶雲者慶元始開化香成雲瑞人誦此
章即魂度南宮天人共慶
飛灑玉都明魔上門

八字摩夷天隱語飛者飛天神王灑者灑
落玉者玉真都者都言玉真開長夜之
戶度人出都都也明者了悟八字之義魔
者魔王上門者上帝門下也言魔王遵依
上帝門下勅命昇度學人人誦此章即魔
連勅命度人於南宮也為六天

无行上首回蹠流玄

八字越衡天隱語无行者虛无梵炁流行上首者北斗官名回者轉也蹠者履也言元始履空輪轉布化十方流者流晨玉光玄者玄都也言其光照長夜魂度南宮而昇玄都也人能誦此章即得神魂受錄出長夜苦而昇朱宮也

阿陀龍羅四象呀員

八字蒙翳天隱語阿陀者阿丘天中山名龍者龍山也此山與阿陀相去九億萬里。羅者天中時日月為濯曜羅交於阿丘之上四者四極真人官也象者真人所乘象車也呀者南昌帝諱員者日中仙童名也人誦此章即四極列員童接引

南方八天

南爛洞浮玉眸說

八字和陽隱語南爛者南方丹天世界有流火之庭爛者火勢也洞浮者洞陽官大矣浮上玉眸者言得道昇真皆詣流火之

庭南極真人以火鍊身先如眸子說說者受鍊之人說說然之多也人誦此章則與真人為侶

梵形落空九靈推前

八字恭華天隱語梵形是元始在龍漢時號也落空者謂元始不由胎化梵炁結形從空而落九靈者玉都九華真人也推前者乃天中之臺名亦真人推算死魂前生功德拔度之所人誦此章即真人書善九幽得度

澤洛善臺綠羅大千

八字宗飄天隱語澤者天中山名洛者真晨道君內名善者飛天神王之名臺者玉臺也在山澤之陽綠羅者月中夫人字羅英衣綠衣大千者大千世界也人誦此章即得神遊玉臺之中徧覽大千之境

眇莽九醜韶遠綠蓮

八字皇笈天隱語眇莽者混沌之前玉宇在延康劫中眇眇然難見龍漢劫後莽莽然大明也九醜者大力鬼獸劫運既開九

獸號為九醜之鬼輔三官為使者而考罪福韶者天王之內名韶者謠歌也魔王每歌此以亂人之心心堅固者王即保舉之綠蓮者南北二斗君之內諱也人有善功則列名南斗告下魔王不敢害之人有惡

業則列名北斗告下魔王得以滅魂人誦此章即善註南籍死不受繫

雲上九都飛生自霄

八字堂曜天隱語雲上者神王諱也九都者九玄之都有九層之臺飛生者南斗神名自者從也霄者林也人誦此章則魔王開導生路魂遊寰林也

那育郁馥摩羅法輪

八字端靖天隱語那者天中侍郎內名也育者天關空輪之名郁馥者紫微宮靈童之名常運有輪十回以召真而萬神齊到摩羅者天魔內諱言郁馥一唱則魔王束形入法輪之門人誦此章即魂度金門而上朝紫微之臺也

霞持无鏡攬姿運容

八字恭慶天隱語靈者天中都監神內名也持者龍淵之名也衆龍蟠乎其中常運東井之華以灌天真无鏡者飛天神王也總主生死之籍開度學道之人攬姿者三界天門名也人有功行即度出三界之門運容者玄和王女名也人誦此章則得度三界之門玉女以朱靈之炁太和之津灌于形神上昇福德之堂矣

馥朗廓英神纓自宮
八字極瑤天隱語馥朗者天中臺名耶奕者神公內名與元始同生每教學仙之人有明八字之音則神公保舉昇入更生之門上登玉京之臺神纓者紫微宮靈童也自官者謂人得此神纓歌无量之章則受自然之炁而歡无窮之齡也人誦此章即自然反形鍊鍊南宮也
右南方三炁丹天自然玉宇
西方八天

刀利禪猷婆泥咎高通
八字孔昇天隱語刀利者西方世界之號

禪者刀利國名猷者南上君內名婆泥者洞陽宮靈童之名咎通者初利世界魔神也常遇人生路人誦此章即火池受鍊上生刀利

宛較滌色太眇之堂
八字皇崖天隱語宛較者天帝內名滌色者是色界飛天真人名也太眇之堂者化生堂也開度萬生之曆人誦此章即真人降景雲之車載北上昇太眇化生之堂也流羅梵明景鬱蕭嶠

八字極風天隱語流者天帝內名也羅者月中夫人名也梵者飛天真人之名明者元始天神內諱景者景皇即四極真人鬱者蔚秀即景霄仙人此等諸神並禮玉京之臺開度生魂超出蕭嶠蕭嶠者白素元君蕭官之嶋人誦此章即昇景皇臺見白素元君
易邀无寂宛首少都
八字孝芒天隱語易邀者天帝內號无寂者天中庭名宛首者道君內號開元始之

玄與演大法以度人少都者日中靈童名也常散日精以灌人形人能誦此章則度出死生也

阿繼郁竺華遠延由
八字翁重天隱語阿繼者天帝諱也郁者郁默魔王隱名竺者魔王都伯常在欲界誦空歌之洞章也華者言色界光華邀者言欲界深漠延者束鬼之庭由者禁鬼之房天王諱章則天魔應聲而束身群鬼詣由而伏形人誦此章則魔王保舉而魂度南宮也

九開自辯阿那品首
八字江由天隱語九開者言玄元始三炁分開為天之九炁自辯者言萬品自三炁而生明明可分辯也阿者阿丘又天王內名也那者那邪神人隱名品首者此神於人品中拔為善之首而超度之人誦此章即天帝品度遠魂九天
无量扶蓋浮羅合神

八字阮樂天隱語无量者天中无量太聖

之始神也總統飛天之人皆受其品量而得昇遷也扶者更生真人之名蓋者玄中福堂之名浮羅者謂幽魂受度而不沉淪徑上浮昇入大羅之官合者慶合也神者神公也謂神公慶合此受度之人也人誦此章即上乘大羅神公慶合

玉誕長桑柏空度仙

八字雲誓天隱語玉誕者天中玉都也長桑者天中霧林也亦名桑林霧木葉上有大洞之章紫字玉書煥乎上清下有扶桑之樹上森霧木之叢靈鷲鳴其上青霞華其峰神風流反香之草桑林鼓百籟之音神風一鼓洞章成音故曰柏空度仙者飛天神人也人誦此章則神王為開度九幽之魂使昇入法輪之門也已上十八天為色界

右西方七炁素天自然玉王

北方八天

覆无自有九日導乾

八字霄度天隱語覆无者飛天神王之名自者從也謂此神從龍漢凝炁開劫而自

抗不終之劫運育者天帝內名九者天帝乘象輪之車遊九玄之門日者日中靈童導乾者此童導引乾精九陽之炁鍊形化質昇上朱宮人誦此章即天帝導炁日童鍊形也

坤母東覆形攝上玄

八字元洞天隱語坤母者九靈之母太陰之都候東者東海覆者水神此神見形崐崘嶺斷東并保劫長存形攝者言坤母形出東海之上攝召鳥母以鳳輦迎學仙之人上玄者謂上昇玄都也人誦此章即得鳳輦來迎鳥母交慶

陀羅育遼眇炁合雲

八字妙成天隱語陀者天帝內名羅者月夫人名育者神王名遼者羽林監神名也神王常臣御三界保舉學人眇炁者受度後則上昇雲炁之眇眇也合雲者言遊神大羅之上與諸天而參合人誦此章即上昇雲炁飛神步虛

飛天大醜總監上天

八字禁上天隱語飛天者十方飛天神王也大者都錄之司醜者大伯乃都司宗伯也三界魔王每受命于大伯總者飛天都統之官監者監長夜之官上天者開度學人之魂上昇于天中人也人誦此章即監領

學人開度上昇已上四天為无色界

沙陀劫量龍漢瑛鮮

八字常融天隱語沙者天中沙蘭宮陀者陀丘乃紫微之別館新得道者居之每至劫運一交量度學人功德隨緣開度謂之劫量龍漢者初劫之名瑛者初劫時飛天神名也鮮者南宮日童名也學人得度皆由此童鍊度之人誦此章即得鍊形於朱陵之官也

碧落浮黎空歌保珍

八字玉隆天隱語碧者碧霞落者飛天神名浮黎者天王隱名空者天中侍晨之名歌者洞章之曲侍晨一嘯音成洞章故曰空歌也保珍者言學仙之徒知此空歌可升為飛天之賓永保劫運珍此玉章人

誦此章即乘碧霞之輦而遊玉隆之天也
惡爽无品洞妙自真

八字梵度天隱語惡爽者天王内名无者
太无真人受天王之符度長夜之魂品者
品量幽魂之罪福洞者洞明宿對妙者妙
化之堂也言人宿對既解乃昇入妙化之
堂自真者自然與大道而合真矣人誦此
章則宿對開明昇入妙化
元梵恢漠幽寂度人

八字寶爽天隱語元梵者元始大梵之悉
恢漠者廣而難度冥而難見幽号寂号不
可名狀度人者此靈音普度天人也人誦
此章即超出三界宰制諸天已上四天
為龍及天
右北方五炁玄天自然玉宇

道言此諸天中大梵隱語无量之音舊文字
皆廣長一丈天真皇人昔書其文以為正音
元始觀梵系流注之餘合而成之字皆周
回一丈每八字為一天炁之根凡諸天劫
運成毀亦由字之散合雖高聖亦莫曉其
字乃命皇人書為正音然後天仙乃得識

其文也

有知其音能齋而誦之者諸天皆遣飛天神
王下觀其身書其功勤上奏諸天萬神朝禮
地祇侍門大勳魔王保舉上仙道備冠得遊
行三界昇入金門

此音乃梵炁所結秘陽之文上以保鎮天
度下以拔濟苦爽誠為无量正音齋誦之
則神王下觀俟有功勳則感魔王保舉及
道金備則證入仙品

此音无所不辟无所不禳无所不度无所不
成天真自然之音也

道君再稱述正音功德可以辟邪穢災度
世成真皆此天真靈音自然而然者

故誦之致飛天下觀上帝遙唱萬神朝禮三
界侍軒群杖束首鬼精自亡琳琅振響十方

肅清河海靜默山嶽吞煙萬靈振伏招集群
仙天无氣穢地无秋塵道君以十四
實慧洞
清大量玄玄也

拔度幽冥增長智慧了達三洞逍遙上清
皆由此經則知經之度人其功玄而又玄

也

右靈書中篇後序
元始无量度人上品妙經註解卷下

收經

巨誦經已竟向來所出巨身中三五功曹左
右官使者侍香金童傳言玉女玉帝直符直
日香官各三十二人請選金房玉室无今差
五後名復到一如故事精思諸神各運旨
訖然後徐徐出室

度人經註解後序

首元始於始青天寶珠内演說靈寶大法普
度天人命天真皇人釋大梵玉宇付之道君

秘于上館約四萬劫一傳後因龜臺金母即
王母憫陽九百六之變親禮玉京請留下世
及西漢元封年中七月七日王母下降隨順
漢字譯此天篆授之武帝已為第七授然此

纜一品耳在天卷秩甚多及至晉時左官仙
翁於會稽上虞山感太極徐真人來勸所授
即有靈書下篇及太極真人後序其後兵火
經品散落厥後小仙翁葛洪真人於鄭真人
思遠處得所受之文止於大量玄玄也其後

思遠處得所受之文止於大量玄玄也其後